

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 29 MAC 2016, PUKUL 10.00 PAGI

Bil. 14

PERTANYAAN-PERTANYAAN BAGI JAWAB LISAN

1. PR-1341-L73123
Datuk Liang Teck Meng [Simpang Renggam] minta **MENTERI KEWANGAN** menyatakan mengapakah proses penebusan wang hasil dari kutipan GST didapati mengambil masa selama 3 bulan dan apakah langkah proaktif yang diambil oleh Kementerian untuk mengatasi masalah ini.
2. PR-1341-L72563
Tuan V. Sivakumar [Batu Gajah] minta **MENTERI DALAM NEGERI** menyatakan langkah-langkah yang telah diambil oleh Kerajaan untuk membanteras isu “Along” yang semakin berleluasa di negara kita. Nyatakan jumlah penangkapan dan tuduhan yang telah dibuat terhadap kegiatan “Along” di mahkamah dari tahun 2011 hingga 2015 setiap tahun.
3. PR-1341-L72810
Datuk Raime bin Unggi [Tenom] minta **MENTERI SAINS, TEKNOLOGI DAN INOVASI** menyatakan pelaksanaan Sistem Prasarana Komuniti Pintar (iComm) yang berfungsi meningkatkan aspek keselamatan secara menyeluruh kepada penduduk luar bandar bagi menjamin keselamatan mereka termasuk untuk menghadapi bencana luar jangka.
4. PR-1341-L71785
Tuan M. Kulasegaran [Ipoh Barat] minta **MENTERI SUMBER MANUSIA** menyatakan :-
 - (a) apakah objektif dan kandungan serta perkara yang telah dibincangkan dalam persidangan Pengerusi Mahkamah Perusahaan (*Industrial Court Chairmen's Conference*) yang telah diadakan di Port Dickson pada bulan November 2015; dan
 - (b) berapakah jumlah kos yang telah ditanggung oleh Kerajaan dan bagaimana persidangan ini dapat memberikan manfaat kepada Pengerusi Mahkamah Perusahaan.

5. PR-1341-L71840
Datuk Aaron Ago anak Dagang [Kanowit] minta **MENTERI BELIA DAN SUKAN** menyatakan program-program yang telah dirangka serta telah dijalankan oleh pihak Kementerian yang dapat menarik minat golongan belia di samping dapat menghindarkan mereka daripada terus terlibat dan terjerumus dengan masalah sosial.
6. PR-1341-L71987
Tuan Ng Wei Aik [Tanjong] minta **MENTERI KESIHATAN** menyatakan rasionalnya graduan-graduan perubatan kini terpaksa menunggu lebih setahun untuk mendapatkan tempat sebagai doktor pelatih di mana-mana hospital kerajaan di Malaysia melalui sistem '*Houseman*'. Apakah usaha yang akan diambil bagi memastikan pengetahuan dan kepakaran seseorang graduan perubatan tidak terjejas dengan begitu lama waktu untuk dijadikan sebagai doktor pelatih.
7. PR-1341-L72857
Datuk Dr. Makin @ Marcus Mojigoh [Putatan] minta **MENTERI PENDIDIKAN** menyatakan :-
 - (a) adakah pihak Kerajaan akan mengiktiraf ujian '*Unified Examination Certificate*' (UEC) sebagaimana yang dibuat oleh Kerajaan negeri Sarawak; dan
 - (b) berapa ramaikah murid yang terlibat, akibat daripada keengganan pihak Kerajaan untuk mengiktiraf kertas ujian UEC ini serta kesannya kepada sistem pendidikan.
8. PR-1341-L72459
Ust. Datuk Dr. Mohd. Khairuddin bin Aman Razali [Kuala Nerus] minta **MENTERI PERUSAHAAN PERLADANGAN DAN KOMODITI** menyatakan cabaran-cabaran dan langkah-langkah yang diambil dalam usaha memperkasa pertumbuhan sektor komoditi di negara ini.
9. PR-1341-L72897
Datuk Hajah Norah binti Abd Rahman [Tanjong Manis] minta **MENTERI PERDAGANGAN ANTARABANGSA DAN INDUSTRI** menyatakan apakah perkembangan terkini mengenai Program Tunas Usahawan Belia Bumiputera (TUBE) oleh SME Corp. yang dilancarkan pada tahun 2014 dan bilakah geran permulaan perniagaan berjumlah RM15,000 untuk setiap usahawan akan diberikan kepada mereka yang menyertai program tersebut.
10. PR-1341-L72730
Tuan Sim Tong Him [Kota Melaka] minta **MENTERI KESIHATAN** menyatakan :-
 - (a) berapa orang pesakit telah meninggal dunia akibat dari wabak denggi pada tahun 2015; dan
 - (b) nyatakan usaha-usaha Kementerian dalam mencegah wabak ini dari menjadi semakin teruk.

11. PR-1341-L73005
Dato' Seri Tiong King Sing [Bintulu] minta **MENTERI KESIHATAN** menyatakan :-
- (a) bilangan dan perjawatan pegawai perubatan lantikan tetap di seluruh negara mengikut negeri bagi kawasan bandar dan pedalaman terutamanya di kawasan Bintulu; dan
 - (b) apakah langkah-langkah Kementerian dalam menangani masalah kekurangan pegawai perubatan di dalam negara.
12. PR-1341-L72792
Dato' Seri Dr. Wan Azizah binti Wan Ismail [Permatang Pauh] minta **MENTERI PENDIDIKAN TINGGI** menyatakan langkah-langkah Kementerian bagi menangani tekanan hidup mahasiswa berikutan kos sara hidup kini dan sama ada Kementerian bercadang untuk menggubal dasar pendidikan tinggi percuma khasnya berkenaan dengan penghapusan yuran akademik IPTA.
13. PR-1341-L73423
Datuk Wira Haji Ahmad bin Hamzah [Jasin] minta **MENTERI PERDAGANGAN ANTARABANGSA DAN INDUSTRI** menyatakan :-
- (a) inisiatif agar Malaysia mampu berterusan mencatat prestasi perdagangan melepasi angka yang dicatatkan pada tahun 2015 di sebalik persekitaran pasaran global tidak menentu; dan
 - (b) langkah mengekalkan prestasi dagangan kukuh bersama China, ASEAN, Amerika Syarikat dan Kesatuan Eropah.
14. PR-1341-L72713
Tuan Teo Kok Seong [Rasah] minta **MENTERI KEMAJUAN LUAR BANDAR DAN WILAYAH** menyatakan :-
- (a) usaha dan langkah yang telah dan akan diambil untuk membangunkan kawasan luar bandar di Negeri Sembilan berdasarkan daerah; dan
 - (b) jumlah peruntukan yang diperuntukan oleh Kementerian untuk membangun kawasan luar bandar di Negeri Sembilan.
15. PR-1341-L73268
Dato Sri Dr. Muhammad Leo Michael Toyad Abdullah [Mukah] minta **MENTERI KEMAJUAN LUAR BANDAR DAN WILAYAH** menyatakan berapa luas kawasan yang telah diterokai RISDA semenjak ia dilaksanakan di Sarawak.
16. PR-1341-L72202
Puan Hajah Zuraida binti Kamaruddin [Ampang] minta **MENTERI PENDIDIKAN** menyatakan jumlah pelajar yang telah tamat belajar dari kolej-kolej vokasional.

17. PR-1341-L73467
Tan Sri Dato Sri William Mawan Ikom [Saratok] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah perancangan Kementerian untuk menambahbaik lagi Program *Community Drumming* dan projek subsidi pengangkutan barang di kawasan-kawasan luar bandar Sabah dan Sarawak agar rakyat di kawasan pedalaman dapat menikmati kemudahan ini sebaik mungkin.
18. PR-1341-L72836
Puan Teo Nie Ching [Kulai] minta **MENTERI DALAM NEGERI** menyatakan statistik bagi setiap tahun dari 2010 hingga 2015 setiap negeri jumlah perkahwinan dan penceraian bukan Islam yang mana salah seorang adalah bukan warganegara Malaysia.
19. PR-1341-L73062
Dato' Haji Mohd Fasih bin Haji Mohd Fakeh [Sabak Bernam] minta **MENTERI KEWANGAN** menyatakan prestasi terkini Syarikat Penerbangan Malaysia (MAS) yang diuruskan oleh MAS Bhd milik penuh Khazanah Nasional selepas plan pemulihan syarikat kerana kegagalan dan kerugian yang berterusan dan sejauh manakah MAS Bhd mampu mencapai keuntungan dan muncul semula sebagai kebanggaan negara.
20. PR-1341-L72647
Tuan Gobind Singh Deo [Puchong] minta **MENTERI DALAM NEGERI** menyatakan bilangan banduan-banduan di bawah hukuman gantung sampai mati sejak 2010 (mengikut tahun), jenis kesalahan banduan-banduan tersebut, bilangan orang yang telahpun dilaksanakan hukuman gantung sampai mati dan jumlah banduan-banduan yang berjaya mendapat pengampunan.
21. PR-1341-L71635
Datuk Seri Panglima Haji Abdul Ghapur bin Haji Salleh [Kalabakan] minta **PERDANA MENTERI** menyatakan :-
- (a) apakah kekuatan anggota dan aset keselamatan untuk ESSCOM di pantai timur negeri Sabah mencukupi untuk menghadapi sebarang kemungkinan jenayah daripada luar dan dalam; dan
 - (b) jika belum mencukupi apakah perancangan jangka panjang dan jangka pendek Kementerian dalam menentukan keselamatan rakyat Malaysia di pantai timur Sabah.
22. PR-1341-L72135
Tuan Su Keong Siong [Ipoh Timor] minta **PERDANA MENTERI** menyatakan status terkini mengenai biasiswa Jabatan Perkhidmatan Awam (JPA) untuk tahun 2016. Senaraikan secara terperinci kursus-kursus, bilangan dan jumlah peruntukan yang disediakan untuk tahun 2016.

23. PR-1341-L71656
Dr. Noor Azmi bin Ghazali [Bagan Serai] minta **MENTERI PERDAGANGAN ANTARABANGSA DAN INDUSTRI** menyatakan apakah Malaysia sudah mengenal pasti secara khusus negara, industri dan produk yang berpotensi dan sejauh manakah kesediaan Malaysia untuk benar-benar meraih peluang yang amat besar ini. Manfaat TPP akan hanya dapat dikecapi sekiranya Malaysia menyusun strategi yang berfokus untuk menembusi pasaran baharu dan juga menarik pelaburan ke Malaysia.
24. PR-1341-L72773
Tuan Julian Tan Kok Ping [Stampin] minta **MENTERI DALAM NEGERI** menyatakan kenapakah gejala perjudian haram masih lagi berleluasa di kawasan Kuching walaupun mengikut pihak polis ia sudah dalam kawalan. Senaraikan jumlah tangkapan terhadap kedai-kedai yang terlibat dalam kawasan Parlimen Stampin serta Bandar Kuching semenjak tahun 2014 sehingga yang terkini.
25. PR-1341-L73532
Datuk Dr. Ewon Ebin [Ranau] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan :-
- (a) berikutan dengan pengubahsuaian Bajet 2016, adakah subsidi bagi bahan keperluan asas seperti beras dan minyak masak akan diteruskan; dan
 - (b) apakah langkah-langkah yang dirangka oleh pihak Kementerian bagi menyelaraskan harga bahan keperluan asas ini yang dikatakan telah melambung tinggi.
26. PR-1341-L73203
Dato' Seri Abdul Hadi bin Awang [Marang] minta **PERDANA MENTERI** menyatakan apakah alasan pihak Kerajaan merahsiakan tarikh Pilihan Raya Umum daripada dimaklumkan lebih awal yang disifatkan sebagai melanggar hak demokrasi berparlimen dan tidak adil bagi blok pembangkang.
27. PR-1341-L73223
Datuk Rozman bin Isli [Labuan] minta **PERDANA MENTERI** menyatakan adakah kewujudan Maahad Tahfiz yang semakin dipilih oleh ibubapa menghantar anak-anak bagi mendapat pendidikan awal persekolahan akan mengiktiraf kelulusan mereka oleh Kementerian bagi mengisi kekosongan perjawatan di sektor awam yang bersesuaian.
28. PR-1341-L73392
Dato' Fauzi bin Abdul Rahman [Indera Mahkota] minta **PERDANA MENTERI** menyatakan :-
- (a) usaha-usaha Kerajaan dalam membantu lebih satu juta penjawat awam dalam menempuh situasi kenaikan harga barangan asas yang naik dengan kadar lebih tinggi daripada kenaikan pendapatan mereka; dan

- (b) adakah Kerajaan bersedia memberi moratorium keatas semua pinjaman mereka, seperti pinjaman perumahan, pembelian kenderaan dan pembayaran balik PTPTN hingga keadaan bertambah baik.
29. PR-1341-L72048
Dato' Noraini binti Ahmad [Parit Sulong] minta **MENTERI KOMUNIKASI DAN MULTIMEDIA** menyatakan keberkesanan dan hasil kejayaan *Program Get Malaysia Business Online (GMBO)* dan apakah Kementerian bercadang untuk menyediakan semula peruntukan galakan untuk membolehkan lebih ramai lagi usahawan atas talian terutama wanita mendapat manfaat daripada program seperti ini.
30. PR-1341-L73283
Tuan Gooi Hsiao-Leung [Alor Setar] minta **MENTERI PERTANIAN DAN INDUSTRI ASAS TANI** menyatakan perkembangan dan butiran terbaru mengenai penstrukturan semula BERNAS dan menjelaskan sebab kelambatan rancangan untuk menyenarai-semula BERNAS dalam Bursa Malaysia.
31. PR-1341-L72991
Puan Rubiah binti Haji Wang [Kota Samarahan] minta **MENTERI PENDIDIKAN** menyatakan :-
- (a) bagaimana penerimaan ibu bapa terhadap *Dual Language Programme* dan statistik sekolah yang telah melaksanakannya; dan
- (b) adakah Kementerian merancang membina sebuah sekolah menengah berprestasi tinggi dan sebuah sekolah menengah agama di Kota Samarahan.
32. PR-1341-L72637
Puan Nurul Izzah binti Anwar [Lembah Pantai] minta **MENTERI PENDIDIKAN** menyatakan :-
- (a) adakah guru-guru terlibat dalam pengajaran dan pembelajaran sekolah di bawah *Dual English Programme (DLP)* menjalani kursus latihan intensif sebelum sesi Pengajaran dan Pembelajaran, (PnP); dan
- (b) mengapakah DLP tidak terkandung dalam Cetak Biru Pelan Pendidikan Malaysia 2013-2025.
33. PR-1341-L72392
Dato' Mohd Ariff Sabri bin Abdul Aziz [Raub] minta **MENTERI DALAM NEGERI** menyatakan :-
- (a) berapakah jumlah sebenar pekerja asing di Malaysia; dan
- (b) nyatakan pecahan mengikut bangsa dan negara asal pekerja-pekerja asing tersebut.

34. PR-1341-L72432
Tuan Chong Chieng Jen [Bandar Kuching] minta **PERDANA MENTERI** menyatakan sama ada Jabatan Audit Negara ada membuat pengauditan atas peminjaman hutang asing lebih kurang RM15 bilion oleh anak syarikat Kerajaan Negeri Sarawak, iaitu Sarawak Capital Assets Sdn Bhd, SSG Capital Resources Sdn Bhd, SGOS Capital Holdings Sdn Bhd, Equisar Sdn Bhd dan Sarawak Tecknology Holdings Sdn Bhd dan mengenai penggunaan dana hutang tersebut.
35. PR-1341-L72299
Tuan Jeff Ooi Chuan Aun [Jelutong] minta **MENTERI PENGANGKUTAN** menyatakan apakah prestasi semasa secara kualitatif dan kuantitatif bagi perkhidmatan feri Pulau Pinang serta rancangan masa singkat untuk menaik taraf mutu perkhidmatan dari segi perolehan kapal-kapal baru serta meningkatkan kekerapan (*frequency*) jadual perkhidmatan.
36. PR-1341-L73021
Tuan Wong Sze Phin @ Jimmy [Kota Kinabalu] minta **MENTERI PELANCONGAN DAN KEBUDAYAAN** menyatakan bilakah perkataan "Kerajaan Malaysia Jamin" akan diletakkan semula pada Batu Sumpah Keningau. Apakah rancangan Kerajaan dalam memelihara dan mempromosikan warisan negara seperti Batu Sumpah Keningau, Gunung Kinabalu dan sebagainya bagi tujuan pelancongan di Sabah.
37. PR-1341-L73301
Dr. Michael Teo Yu Keng [Miri] minta **MENTERI PENDIDIKAN** menyatakan langkah-langkah yang telah diambil untuk menangani masalah pengurusan penyelenggaraan dan pembaikan infrastruktur beberapa sekolah di Sarawak, seperti yang didedahkan dalam Laporan Ketua Audit 2014.
38. PR-1341-L73561
Tuan Charles Anthony Santiago [Klang] minta **PERDANA MENTERI** menyatakan status penggubalan rang undang-undang mengenai loji nuklear di Malaysia. Bilakah Kerajaan bercadang untuk membina loji nuklear ini dan apakah kos pembinaannya.
39. PR-1341-L71891
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan langkah-langkah yang diambil untuk memastikan pekerja tempatan diberikan hak apabila pekerja diberhentikan manakala pekerja asing didahulukan.
40. PR-1341-L71818
Tuan Fong Kui Lun [Bukit Bintang] minta **MENTERI PERDAGANGAN ANTARABANGSA DAN INDUSTRI** menyatakan apakah kesan baik dan buruk TPPA kepada negara dan rakyat terutama sektor permotoran, kesihatan dan makanan.
41. PR-1341-L73100
Tuan William Leong Jee Keen [Selayang] minta **PERDANA MENTERI** menyatakan sama ada Peguam Negara perlu bertanggungjawab kepada Parlimen dan kedudukan Kerajaan dalam mewujudkan jawatankuasa untuk mengkaji semula keputusan Peguam Negara mengenai pendakwaan.

42. PR-1341-L72893
Tuan Sim Chee Keong [Bukit Mertajam] minta **MENTERI DALAM NEGERI** menyatakan statistik pekerja migran mengikut sektor pekerjaan, negara asal, negeri bekerja, jantina, umur dan kurungan gaji.
43. PR-1341-L72946
Tuan Ignatius Dorell Leiking [Penampang] minta **PERDANA MENTERI** menyatakan adakah Kerajaan setuju dengan pembentukan *Select Committee* Parlimen Malaysia untuk mengkaji balik terma-terma Perjanjian Malaysia 1963 dan Perlembagaan Persekutuan Malaysia untuk mengenal pasti jika terma-terma pembentukan Persekutuan Malaysia yang termaktub dalam Inter Governmental Report telah dilaksanakan atau tidak sepertimana yang seharusnya dibuat pada tahun 1973.
44. PR-1341-L71704
Dato' Kamarul Baharin bin Abbas [Telok Kemang] minta **MENTERI PERTANIAN DAN INDUSTRI ASAS TANI** menyatakan :-
- (a) apakah status cadangan Kerajaan untuk menambah peruntukan yang sebanyak RM140 juta bagi membangunkan tanah-tanah terbiar seluas lebih 140,000 hektar seluruh negara bagi tahun 2016; dan
 - (b) adakah Kerajaan mempunyai rancangan untuk membangunkan tanah-tanah tersebut secara komersil.
45. PR-1341-L73159
Tuan Ahmad Baihaki bin Atiqullah [Kubang Kerian] minta **MENTERI KERJA RAYA** menyatakan bilakah fasa-fasa dalam Projek *Central Spine Road* di negeri Kelantan akan dimulakan kerana jalan perhubungan yang lebih baik dan selesa antara Kota Bharu dan Kuala Lumpur amat diperlukan.
46. PR-1341-L71681
Dr. Che Rosli bin Che Mat [Hulu Langat] minta **MENTERI PERDAGANGAN ANTARABANGSA DAN INDUSTRI** menyatakan alasan kenaikan harga kereta PROTON dalam keadaan kemungkinan akan berlaku pertandingan yang hebat dengan syarikat-syarikat pengeluar kereta lain setelah Perjanjian TPPA ditandatangani.
47. PR-1341-L72154
Tuan Idris bin Haji Ahmad [Bukit Gantang] minta **MENTERI PERDAGANGAN ANTARABANGSA DAN INDUSTRI** menyatakan mengapakah Malaysia tidak menandatangani *Free Trade Agreement (FTA)* dengan Amerika Syarikat pada tahun 2007, dan adakah import, eksport dan FDI Amerika Syarikat ke Malaysia merosot atau meningkat apabila FTA tersebut tidak ditandatangani.

48. PR-1341-L73605
Dato' Sri Hasan bin Malek [Kuala Pilah] minta **MENTERI KEWANGAN** menyatakan apakah langkah yang sewajarnya diambil oleh pihak Kementerian bagi menangani isu lambakan rokok seludup di pasaran tempatan dewasa ini yang telah berlarutan sekian lama. Mengapa tiada tindakan drastik diambil seperti tindakan oleh pihak Kerajaan terhadap penjualan dan penggunaan vape.
49. PR-1341-L73246
Tuan Nik Mohamad Abduh bin Nik Abdul Aziz [Pasir Mas] minta **PERDANA MENTERI** menyatakan perkembangan projek Pembinaan Perumahan 1 Malaysia (PR1MA) di Negeri Kelantan.
50. PR-1341-L71801
Datuk Jumat bin Idris [Sepanggar] minta **MENTERI PENDIDIKAN TINGGI** menyatakan :-
- (a) apakah langkah-langkah Kementerian mengatasi beban kewangan para mahasiswa di IPTA dan IPTS ; dan
 - (b) benarkah para mahasiswa begitu kesempitan kewangan sehingga ada yang jatuh sakit kerana kekurangan makanan dan sebagainya.
51. PR-1341-L71627
Dato' Haji Mohd Zaim bin Abu Hasan [Parit] minta **PERDANA MENTERI** menyatakan apakah rasional Kementerian meluluskan perkhidmatan kereta sewa dalam talian iaitu Grabcar dan Uber sehingga boleh menjejaskan mata pencarian teksi biasa.
52. PR-1341-L72428
Datuk Ikmal Hisham bin Abdul Aziz [Tanah Merah] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah langkah yang akan dilakukan oleh Kementerian dalam usaha memastikan peniaga-peniaga menurunkan harga jualan bersesuaian dengan penurunan harga bahan bakar seperti petrol dan diesel.
53. PR-1341-L73179
Tuan Lim Guan Eng [Bagan] minta **MENTERI DALAM NEGERI** menyatakan jumlah pekerja asing sah dan haram serta jumlah pungutan Kerajaan ekoran peningkatan levi pekerja asing. Jelaskan bagaimana kenaikan tersebut dapat membantu Kerajaan. Apakah bukti bahawa sektor majikan memintanya memandangkan langkah pemutihan pekerja haram adalah lebih murah dan kurangkan impak sosial.
54. PR-1341-L72207
Tuan Haji Nasrudin bin Hassan [Temerloh] minta **PERDANA MENTERI** menyatakan faktor-faktor yang menyebabkan pindaan Akta Rahsia Rasmi 1972 yang dicadangkan oleh Peguam Negara.

55. PR-1341-L73533
Dato' Seri Mohamed Azmin bin Ali [Gombak] minta **MENTERI PERDAGANGAN ANTARABANGSA DAN INDUSTRI** menyatakan strategi khusus Kerajaan terhadap beberapa industri berkepentingan seperti kereta nasional, perubatan dan hak cipta karya selepas perjanjian TPP.
56. PR-1341-L71703
Dato' Haji Abdul Rahman bin Haji Mohamad [Lipis] minta **PERDANA MENTERI** menyatakan adakah Pengubahsuaian Bajet 2016 yang dilakukan baru-baru ini sedikit sebanyak menjejaskan aspek pembangunan dalam Rancangan Malaysia Ke-11.
57. PR-1341-L71611
Datuk Sapawi bin Ahmad Wasali [Sipitang] minta **MENTERI KEMAJUAN LUAR BANDAR DAN WILAYAH** menyatakan sejauh mana sambutan orang ramai terhadap pengenalan Mara Digital di Bangunan MARA, dan sehingga kini bolehkah dinyatakan jumlah jualan dihasilkan semenjak ia dibuka pada 8 Disember 2015.
58. PR-1341-L73457
Tuan Wong Ling Bui [Sarikei] minta **PERDANA MENTERI** menyatakan berapakah jumlah peruntukan yang telah diperuntukkan kepada kawasan Parlimen Sarikei dalam masa lima tahun yang lepas. Adakah jumlah peruntukan yang telah diberikan kepada kawasan Parlimen Sarikei dikurangkan sejak Barisan Nasional kalah dalam pilihanraya umum di kawasan Parlimen Sarikei.
59. PR-1341-L72739
Dr. Ismail bin Daut [Merbok] minta **MENTERI KEWANGAN** menyatakan jumlah pulangan oleh Syarikat Milik Menteri Kewangan (Diperbadankan) kepada belanjawan Kerajaan Persekutuan untuk tempoh 5 tahun yang lalu.
60. PR-1341-L73342
Tuan Wong Chen [Kelana Jaya] minta **PERDANA MENTERI** menyatakan sama ada biasiswa Jabatan Perkhidmatan Awam (JPA) untuk pelajar-pelajar yang kini menuntut di luar negara akan dikurangkan. Jika ya, berapa ramaikah pelajar yang akan terpaksa kembali ke Malaysia.
61. PR-1341-L73078
Datuk Seri Noh bin Haji Omar [Tanjong Karang] minta **MENTERI PENDIDIKAN** menyatakan jumlah terkini sekolah yang mengamalkan konsep Ulul Albab dan perancangan Kementerian dalam menambah sekolah-sekolah yang terlibat.
62. PR-1341-L71910
Tuan Anuar bin Abd. Manap [Sekijang] minta **MENTERI PERDAGANGAN ANTARABANGSA DAN INDUSTRI** menyatakan perkembangan semasa rundingan perjanjian Perkongsian Ekonomi Komprehensif Serantau (RCEP) yang melibatkan negara ASEAN serta 6 buah negara lain dan sejauh manakah perjanjian FTA seperti RCEP ini akan terkesan melalui peraturan Perjanjian Perkongsian Trans-Pasifik (TPPA) yang telah ditandatangani Malaysia memandangkan terdapat rakan perkongsian RCEP ini turut menjadi negara anggota TPPA.

63. PR-1341-L72038
Tuan Hee Loy Sian [Petaling Jaya Selatan] minta **MENTERI PENGANGKUTAN** menyatakan :-
- (a) status misi pencarian MH370 dan bilakah misi ini akan selesai; dan
 - (b) tuntutan waris mangsa pesawat MH370 dan tawaran Kerajaan Malaysia kepada waris mangsa atas kegagalan menjejaki pesawat MH370 ini.
64. PR-1341-L73211
Tuan Wong Tien Fatt @ Wong Nyuk Foh [Sandakan] minta **MENTERI PENGANGKUTAN** menyatakan apakah status naiktaraf pelabuhan Sepanggar Terminal sebagai *Transshipment hub*. Nyatakan perancangan itu secara terperinci.
65. PR-1341-L73618
Tuan Haji Ahmad Lai bin Bujang [Sibuti] minta **MENTERI PENDIDIKAN** menyatakan adakah SMK Luar bandar dan SMK Subis dalam Parlimen sibuti akan menerima peruntukan untuk bina baru dewan sekolah serta naik taraf bangunan sekolah bagi muningkatkan kapasiti penerimaan pelajar serta menyediakan kelas luar bandar 'setanding" dalam bandar.

ATURAN URUSAN MESYUARAT DAN USUL-USUL

1. **Pertimbangan ke atas Rang Undang-undang Perbekalan Tambahan (2015) 2016 (D.R. 2/2016) dan Usul Anggaran Perbelanjaan Pembangunan Tambahan Pertama 2015 seperti berikut :-**

"Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan bahawa jumlah wang tambahan sebanyak tiga ratus sembilan puluh satu juta empat ratus enam puluh ringgit (RM391,000,460) diperuntukkan daripada Kumpulan Wang Pembangunan bagi tahun kewangan 2015 bagi Maksud dan Butiran (Projek) seperti yang dinyatakan dalam ruang pertama dan kedua penyata Anggaran Perbelanjaan Pembangunan Tambahan Pertama 2015 yang dibentangkan sebagai Kertas Perintah 3 Tahun 2016 dan yang disenaraikan di sebelah Maksud dan Butiran (Projek) dalam ruang sembilan dan sepuluh penyata tersebut."

Dalam Jawatankuasa Sebuah-buah Majlis (28 Mac, 2016)

- | | | | |
|----|----------------|--|-------------------------------|
| 2. | (D.R. 36/2015) | Rang Undang-undang Keselamatan Sosial Pekerja (Pindaan) 2015 | Bacaan Kali Yang Kedua |
| | | [Menteri Sumber Manusia] | |
| 3. | (D.R. 30/2015) | Rang Undang-undang Syarikat 2015 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 4. | (D.R. 29/2015) | Rang Undang-undang Skim Kepentingan 2015. | “ |
| | | [Menteri Perdagangan Dalam Negeri, Koperasi dan Kepenggunaan] | |
| 5. | (D.R. 34/2015) | Rang Undang-undang Dadah Berbahaya (Langkah-Langkah Pencegahan Khas) (Pindaan) 2015. | “ |
| | | [Menteri Dalam Negeri] | |
| 6. | (D.R. 37/2015) | Rang Undang-undang Profesion Undang-undang (Pindaan) 2015 | “ |
| | | [Menteri di Jabatan Perdana Menteri] | |

7. (D.R. 39/2015) Rang Undang-undang Kanak-Kanak “
(Pindaan) 2015
**[Menteri Pembangunan Wanita,
Keluarga dan Masyarakat]**
8. (D.R.9/2015) Rang Undang-undang Kanun Tatacara “
Jenayah (Pindaan) 2015
[Menteri di Jabatan Perdana Menteri]
9. (D.R.12/2015) Rang Undang-undang Keterangan “
(Pindaan) 2015
[Menteri di Jabatan Perdana Menteri]
10. (D.R.1/2016) Rang Undang-Undang Bekalan Gas “
(Pindaan) 2016
[Menteri di Jabatan Perdana Menteri]
11. (D.R.35/2015) Rang Undang-undang Persaingan “
(Pindaan) 2015
**[Menteri Perdagangan Dalam Negeri,
Koperasi dan Kepenggunaan]**

12. PR-1341-U72985
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa pembangunan infrastruktur di negeri Sabah masih jauh ketinggalan berbanding dengan negeri-negeri lain di Malaysia. Dan mengambil maklum juga bahawa negeri Sabah memerlukan lebih banyak dana demi untuk membangunkan kemudahan infrastruktur sekali di kawasan luar bandar serta keperluan-keperluan lain seperti masalah tebatan banjir, projek perumahan rakyat termiskin dan lain-lain. Dan mengambil maklum juga bahawa rakyat negeri Sabah juga beraspirasi seperti rakyat negeri Sarawak, sepertimana yang dinyatakan oleh YAB Tan Sri Adenan Satem (Ketua Menteri Sarawak) ingin memohon agar royalti minyak dapat dinaikkan kepada kadar 20%. Dan mengambil maklum juga, sekiranya royalti minyak dinaikkan pada kadar 20%, maka dengan lebihan dana tersebut, kerajaan negeri Sabah akan dapat melaksanakan keperluan-keperluan di atas dengan lebih baik dan cepat lagi. Maka, bagi meredakan rungutan dan tuntutan rakyat negeri Sabah, maka Dewan yang mulia ini hendaklah mengambil ketetapan bahawa Kerajaan Malaysia menaikkan kadar royalti minyak bagi negeri Sabah kepada kadar 20% dan sekaligus membolehkan negeri Sabah membangun dengan lebih pesat lagi."

[Perdana Menteri]

13. PR-1341-U73002

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kesesakan Jalan Putatan merupakan rungutan hampir setiap pengguna jalan tersebut. Dan mengambil maklum juga bahawa Jalan Putatan merupakan sebahagian daripada rangkaian Jalan Pan Borneo Highway yang mana sepatutnya mendapat perhatian utama dan bebas kesesakan. Dan mengambil maklum juga, bahawa kesesakan Jalan Putatan juga disebabkan rekabentuk yang kurang baik di mana terdapat terlalu banyak U-Turn dan simpang, yang menjadi penyebab utama kelancaran aliran trafik selain menjadi punca kemalangan. Dan mengambil maklum juga, bahawa kesesakan Jalan Putatan dapat diatasi dengan membina sebatang Jalan Pantai (Coastal Highway) alternatif yang menghubungkan pekan Tanjung Aru dengan Pekan Kinarut. Dan mengambil maklum juga bahawa, sekiranya jalan pantai alternatif yang dimaksudkan dibina, ianya juga boleh membantu untuk mengelakkan hakisan pantai di sepanjang laluan tersebut. Dan mengambil maklum juga bahawa, untuk membina jalan baru sebagai laluan alternatif bagi Jalan Putatan akan menelan belanja yang besar terutama sekali bagi tujuan pampasan tanah yang dilalui. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah membina jalan pantai alternatif bagi Jalan Putatan demi untuk kesejahteraan rakyat yang menggunakan laluan tersebut."

[Menteri Kerja Raya]

14. PR-1341-U73023

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa keengganan Kerajaan Persekutuan untuk mengiktiraf keputusan Peperiksaan Unified Examination Certificate (UEC) telah menimbulkan banyak kontroversi dan masalah terutama sekali kepada pelajar dan ibu/bapa pelajar yang terlibat. Dan mengambil maklum juga bahawa Negeri Sarawak merupakan negeri pertama di negara ini yang mengiktiraf keputusan peperiksaan UEC sepertimana yang diumumkan oleh YAB Tan Sri Adenan Satem dan sekali gus membolehkan pelajar terlibat meneruskan pengajian mereka dengan tanpa halangan di negeri Sarawak, misalnya di Universiti Malaysia Sarawak. Dan mengambil maklum juga bahawa dengan keengganan Kerajaan Malaysia untuk mengiktiraf keputusan peperiksaan UEC, pelajar yang terlibat terpaksa meneruskan pendidikan mereka di luar negara dan seterusnya bekerja serta menetap di luar negara adalah merupakan kerugian besar negara sebagaimana yang ditekankan oleh YAB Ketua Menteri Sarawak. Dan mengambil maklum juga, bahawa ramai pelajar dan ibu/bapa menganggap bahawa polisi untuk tidak mengiktiraf keputusan peperiksaan UEC ini bersifat diskriminasi di mana pelajar tersebut tidak berpeluang untuk berkhidmat dengan sektor awam di Malaysia."

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah mengiktiraf keputusan peperiksaan Unified Examination Certificate bagi membolehkan pelajar yang terlibat meneruskan pendidikan mereka di negara ini serta berkhidmat di sektor awam di negara ini."

[Menteri Pendidikan]

15. PR-1341-U73036

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kualiti air Sungai Sembulan adalah amat tercemar dan tidak sihat sama ada bagi hidupan marin mahupun bagi ekosistem marin negara ini. Dan mengambil maklum juga bahawa Sungai Sembulan merupakan rangkaian akhir aliran air dari beberapa siri saliran dan parit daripada beberapa taman perumahan yang berpenduduk padat, sebelum aliran air dilepaskan ke laut. Dan mengambil maklum juga bahawa kebanyakan sistem merawat air kumbahan yang ada di kawasan perumahan yang terlibat tidak lagi efisien untuk merawat air kumbahan tersebut sebelum dilepaskan ke saliran-saliran atau parit-parit yang akhirnya mengalir ke Sungai Sembulan sebelum berakhir ke laut. Dan mengambil maklum juga bahawa sebahagian besar terumbu karang di sekitar perairan negeri Sabah telah musnah disebabkan oleh aktiviti manusia seperti pelepasan air kumbahan yang tidak terawat ke laut. Diketahui bahawa kemusnahan terumbu karang (Coral Bleaching) merupakan satu daripada penyebab utama pemanasan global. Dan mengambil maklum juga bahwa negara Malaysia adalah merupakan salah sebuah negara penyokong dan pendokong gerakan United Nation Environment Programme (UNEP) sesuai dengan deklarasi Global Climate Change Conference, Copenhagen 2009. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah menyediakan satu dana khas bagi tujuan pembinaan loji rawatan air kumbahan di sekitar Sungai Sembulan sebelum air sungai tersebut dilepaskan ke laut bagi menyelamatkan ekosistem laut negara ini."

[Menteri Sumber Asli dan Alam Sekitar]

16. PR-1341-U71877

Tuan M. Kulasegaran [Ipoh Barat] akan mencadangkan:-

"Bahawa Dewan ini hendaklah mengambil maklum bahawa rang undang-undang harus digubal untuk mengelakkan kes penukaran agama kanak-kanak di bawah umur secara unilateral dengan adanya penguatkuasaan undang-undang yang sewajarnya serta berpadanan dengan nasihat Kabinet pada 2009 iaitu kanak-kanak dikekalkan agama asal mereka sebelum penukaran agama itu berlaku."

[Perdana Menteri]

17. PR-1341-U73419

Dr. Tan Seng Giaw [Kepong] akan mencadangkan:-

"Bahawa Dewan akan membincangkan keberkesanan Malaysia mencegah serangan ganas."

[Menteri Dalam Negeri]

18. PR-1341-U71858

Tuan Fong Kui Lun [Bukit Bintang] akan mencadangkan:-

"Bahawa Kerajaan mempergiatkan usaha untuk menyatupadukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia."

[Perdana Menteri]

19. PR-1341-U71862

Tuan Fong Kui Lun [Bukit Bintang] akan mencadangkan:-

"Bahawa Kerajaan memulihkan pilihan raya kerajaan tempatan seluruh negara supaya urus tadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat."

[Menteri Kesejahteraan Bandar, Perumahan dan Kerajaan Tempatan]

20. PR-1341-U71883

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum serta menyedari bahawa Lembaga Tabung Haji adalah sebuah institusi kewangan yang penuh dengan kejayaan dan amat membanggakan rakyat Malaysia khususnya umat Islam. Institusi ini juga menjadi contoh untuk negara Islam yang lain ikuti. Maka ianya mesti dijaga dengan penuh ketelusan dan amanah. Sebarang penyelewangan wajib diambil tindakan pantas dan menyeluruh dan jika ianya runtuh maka orang yang mesti dipersalahkan ialah Perdana Menteri."

[Perdana Menteri]

21. PR-1341-U71884

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum bahawa Yayasan Pembangunan Ekonomi Islam Malaysia (YaPEIM) sebuah pertubuhan yang mendapat sokongan umat Islam di Malaysia."

Yayasan ini tertegak dengan niat yang penuh suci bagi membangunkan ekonomi umat Islam di samping menolong mereka yang tidak bernasib baik. Oleh sebab itu sokongan berterusan dari individu dan institusi kepada Yayasan ini membuktikan umat Islam negara ini amat prihatin dengan apa yang terjadi dalam masyarakat Islam. Tetapi membiarkan segelintir individu mengambil kesempatan dari kejayaan Yayasan ini hendaklah dikutuk sekeras-kerasnya. Tindakan lembab oleh Menteri dan Kerajaan dalam memantau perjalanan kewangan Yayasan ini juga harus menerima celaan. Sepatutnya semua pihak yang membelanjakan wang YaPEIM bukan pada tempatnya walaupun 'legally right' tetapi tetap 'morally wrong', mesti bertanggung jawab dan meletakkan jawatan atas kadar segera."

[Perdana Menteri]

22. PR-1341-U71886

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum kehidupan rakyat makin dihipit dengan harga barangan yang makin naik dan tidak terkawal akibat pengenalan cukai GST dan pengecilan nilai Ringgit. Semua rakyat di setiap lapisan masyarakat amat merasai keadaan ini. Kerajaan harus bertindak berani seperti yang pernah dilakukan oleh Mantan Perdana Menteri Tun Dr Mahathir Mohamad bila negara menghadapi masalah ekonomi yang mencemaskan pada penghujung tahun 90an. Tindakan utama yang mesti diambil sekarang ialah dengan mengurangkan perbelanjaan di Jabatan Perdana Menteri dan Kerajaan mesti mengamalkan sikap berjimat cermat di semua peringkat pentadbiran negara."

[Menteri Kewangan]

23. PR-1341-U71888

Dato' Johari bin Abdul [Sungai Petani] akan mencadangkan:-

"Bahawa Dewan ini menggesa Kementerian Pendidikan mengambil langkah-langkah segera supaya pelajar-pelajar kita mempunyai pengetahuan dan kebolehan bertutur dalam banyak bahasa terutamanya Bahasa Inggeris, Arab dan Mandarin akan membantu pelajar-pelajar kita bila meninggalkan alam persekolahan dan universiti nanti. Bahasa ini amat luas digunakan dalam kegiatan harian dan perniagaan dalam negeri dan luar negara. Majikan pasti akan mengambil pekerja yang berkebolehan lebih dari satu bahasa, kerana ianya akan menguntungkan majikan dalam banyak aspek. Ketiga-tiga bahasa ini bukanlah sesuatu yang asing bagi kita. Kerajaan harus melihat bagaimana mengintegrasikan pengajaran bahasa-bahasa ini ke dalam sistem pendidikan yang sedia ada. Bayangkan seorang anak Malaysia fasih berbahasa Inggeris, Arab, Mandarin dan dapat mengungkapkan Bahasa Malaysia yang teratur. Sayang sekali apa yang kita sedia ada tidak dimanfaatkan untuk generasi akan datang."

[Menteri Pendidikan]

24. PR-1341-U71890

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum data jumlah pendatang asing yang berdokumen dan tidak berdokumen akan berbeza dari satu agensi kerajaan dengan agensi yang lain. Malah Menteri sendiri menjawab dalam Dewan Parlimen dengan menggunakan perkataan "ini anggaran". Ini bermaksud tiada siapa yang mempunyai data sebenar tentang berapa jumlah Bukan Rakyat Malaysia yang berada di sini. Ini amat membahayakan negara. Kerajaan mesti mengambil tindakan yang berterusan bagi mendaftar mereka yang tidak berdokumen. Tindakan mendaftar dengan mengambil tindakan undang-undang terhadap mereka adalah dua perkara yang berbeza. Yang penting adalah setiap manusia yang berada di negara ini mesti mempunyai dokumen. Tindakan segera mesti diambil dan mestilah berterusan."

[Menteri Dalam Negeri]

25. PR-1341-U72582

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

[Menteri Kesejahteraan Bandar, Perumahan dan Kerajaan Tempatan]

26. PR-1341-U72584

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

27. PR-1341-U72589

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

28. PR-1341-U72617

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini akan menggesa Kerajaan untuk menegakkan prinsip berkecuali sebagaimana yang ditetapkan dalam Non-Alliance Movement (NAM) dan menegaskan bahawa Malaysia tidak akan mengambil bahagian atau menghantar askar untuk menyertai gabungan tentera yang dipimpin Arab Saudi dalam serangan terhadap Yemen, Syria atau mana-mana negara di Timur Tengah."

[Menteri Luar Negeri]

29. PR-1341-U72624

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini menggesa Kerajaan untuk membantu penganggur dengan menyediakan bantuan kewangan secara tunai sebanyak RM1200 sebulan untuk tempoh 3 bulan selepas diberhentikan. Skim ini membolehkan pekerja-pekerja yang menganggur menjamin sara hidup mereka sewaktu mencari pekerjaan baru."

[Menteri Sumber Manusia]